



Uwezo wa Kuzidisha

Akasema, Uwape watu, ili wale. Na mtumishi wake akasema, Je! Niwaandikie hiki watu mia? Lakini akasema, Uwape watu, ili wale; kwa kuwa Bwana asema hivi, Watakula na kusaza.—2 Wafalme 4:42, 43.

“Tena, akaja mtu kutoka Baal-shalisha, akamletea mtu wa Mungu chakula cha malimbuko, mikate ishirini ya shayiri, na masuke mabichi ya ngano guniani. Akasema, Uwape watu, ili wale.

“Na mtumishi wake akasema, Je! Niwaandikie hiki watu mia? Lakini akasema, Uwape watu, ili wale; kwa kuwa Bwana asema hivi, Watakula na kusaza. Basi akawaandikia, nao wakala, wakasaza, sawasawa na neno la Bwana” (2 Wafalme 4:42-44).

Yeye aliyefanya muujiza huu kwa niaba ya watu mia katika nyakati za Agano la Kale alifanya muujiza kama huo kwa watu elfu tano alipohubiri injili kwa wanadamu. Katika jangwa, Kristo aliwapatia watu wake si mkate tu, bali pia mito ya maji safi iliyotiririka...

Ni neema ya Mungu katika sehemu ndogo inayofanya utoshelevu wote. Mkonò wa Mungu unaweza kuizidisha mara mia moja. Kutoka katika hazina zake, Anaweza kuandaa meza jangwani kwa zaidi ya watu milioni moja. Kwa mguso wa mkonò Wake, Mungu anaweza kuongeza kipimo kidogo alichonacho na kukifanya kiwe cha kutosha kwa wote. Ilikuwa ni nguvu yake iliyoongeza mikate na nafaka mikononi mwa wana wa manabii.

Bwana ameupa miti na mizabibu ya uumbaji wake uhai. Neno Lake linaweza kuongeza au kupunguza mazao ya nchi. Kama wanadamu wangepungua uelevu wao kutambua uhusiano kati ya asili na Mungu wa asili, shukrani za dhati kwa nguvu za Muumba zingesikika. Bila uhai wa Mungu, asili ingekufa. Kazi Zake za uumbaji zinamtegemea Yeye. Anatoa mali zinazotoa uhai kwa vyote ambavyo asili inazalisha. Tunapaswa kuiona miti iliyojaa matunda kama zawadi ya Mungu, kana kwamba ameyaweka matunda hayo mikononi mwetu (Manuscript 114, 1899).

Katika kuwalisha watu elfu tano, Yesu anafungua pazia kutoka katika ulimwengu wa asili, na kufunua nguvu ambayo daima inatumiwa kwa manufaa yetu. Katika uzalishaji wa mavuno ya dunia, Mungu anafanya muujiza kila siku. Kupitia njia za kiasili, kazi ile ile inatimizwa kama ilivyokuwa wakati wa kuwalisha umati wa watu... Ni Mungu ambaye kila siku analisha mamilioni kutoka kwenye mashamba ya mavuno ya dunia. Watu huitwa kushirikiana na Mungu katika utunzaji wa nafaka na kuandaa mkate, na kwa sababu ya hili wanapoteza mtazamo wa wakala wa kiungu... Anatutaka tumtambue Yeye katika karama Zake, ili ziwe baraka kwetu kama Alivyokusudia (The Desire of Ages, 367, 368).